

XIV. CENTAURUS, *Chiron, monstrum ex homine & equo compositum*: fortè quia Centauri Theffaliæ populi, primi ex equo pupnarunt, adhibitis centris seu calcaribus: indeque supernâ parte homines, infernâ equi visi. Aliis *Minotaurus monstrum bicorporeum ex tauro & homine*. Non nisi caput & humerû ejus nobis orientur.

XV. LUPUS, *Fera seu bestia, Seneior & Quadrupes. Centaurum sequitur, nec nisi pedes & caput supra horizontem exferit.* Arab. *Asida*, proprie *Leana*, pro *bestia Centauri*, rect. *asedaton*. Mihi lupus sit vel Heliodorus, ærarium templi Hierosolymitani spoliaturus, Centaurus autem Eques & Equus horribilis ipsum concutiens, Maccab. 3. v. 25. vel lupus infernalis, à Christo vero Animarum Pastore transfossus. Joh. 10. v. 12.

XVI. ARA, *Thuribulum, θυματήριον*. Sub Scorpionis spondylis nobis semper latet. Prope hanc Cometa Anno 1618. ortus creditur. Mihi sit vel Ara Noachi, Gen. 8. 20. vel Abrahæ & Isaaci, Gen. 22. 9. vel altare thymiamatis in tabernaculo, Exod. 37. 25. vel in templo Salomonis, Reg. 7. 48.

XVII. CORONA vel Corolla AUSTRALIS vel Meridionalis. *Στέφανος νότιος*. Corona ☿, quia inter hujus pedes sita. Aliàs *ἄρηνισκος*, q. parvum cœlum. Aliis globulus & rota Ixionis. Mihi sit Corona stellata mulieris, Apocal. 12. v. 1. vel filii hominis, Ib. 14. v. 14.

XVIII. PISCIS NOTIUS seu *austrinus*: *ἰχθὺς νότιος*: & *μέγας* magnus, ad differentiam 2. minorum. Subjectus est ☿ & ♀, cumque hoc connectitur mediante aqua, quam ex ejus urna delapsam velut absorbet. Præter cæteras stellas unam habet præfulgidam in ore, quæ effusionem aquæ ♀ claudit. Arab. *Fumahand* vel *Fomahand* pravissimè, rect. *Phomol-chuti*, h. e. os piscis. Non multum supra horizontem nostrum attollitur, ideoque penè ipsum radit seu stringit. Schick. est Piscis à Petro captus, cum statere in ore. Matth. 27. v. ult.

XIX. GRUS, seu *Avis sub Pisce Notio*. Stellas habet 13. ex